

INUIT ATAQATIGIIT

INATSISARTUNI



5. juli 2021

UKA2021/031

Inatsisartut Suleriaasianni § 36 naapertorlugu apeqquteqaat aallaavigalugu oqallinnissamik imaattumik siunnersuuteqarpunga:

**Angerlarsimaffeqanngitsut atugarisaat aammalu pisinnaatitaaffii
qanoq pitsaanerpaamik pitsanngorsarneqarsinnaaneri pillugit
apeqquteqaat aallaavigalugu Inatsisartut oqallinnissaannik
siunnersuut.**

(Inatsisartunut Ilaasortaq Pipaluk Lynge-Rasmussen, Inuit Ataqatigiit)

Angerlarsimaffeqannginnejukioq 2035-mi
annikinnerpaaffissamiitinneqalernissaa Naalakkersuisunit anguniarneqartoq
ilisimavara.

Angerlarsimaffeqanngitsut amerliartuinnartut ukiumikkullu
inuuusussigaluttuinnartut ukiuni makkunani erseroq.

Ilisimasat tunngavigalugit inuit tamarmik tunngaviusumik pisariaqartitaat
matussuseqqaartinnagpit inuit sulinisinnaanerat, tunniussaqarsinnaanerat,
inuaqatigiinnullu sunniuteqarsinnaanerat killeqalersarpoq. Inuk
siniffissaqanngippat, nerisassaqanngippat asattorsinnannangippallu periarfissai
pisinnaasaalu killeqalissapput. Nunatsinni angerlarsimaffeqanngitsut atugaat
misissorneqaleruttorput, Nuummilu 500-t sinnerlugit
angerlarsimaffeqanngitsuusut missiliorneqarpoq. Sinerissami
angerlarsimaffeqanngitsut tamassa kisinneqarput.

Angerlarsimaffeqanngitsut, annermik angutit, amerliartorput,
inuuusussiartorlutillu. Inatsisit tamakkiisuunngillat. Angerlarsimaffeqanngitsut
periarfissaat pisinnaatitaaffiilu imak amigartigaat, allaat
angerlarsimaffeqannginnerup qimannissaa ajornavilluni. Annermik inuuusuttut
angerlarsimaffissaaruttartut meeqqat angerlarsimaffianneerlutik 18-nik

INUIT ATAQATIGIIT

INATSISARTUNI



ukioqalersimatillutik meeqqat angerlarsimaffianniit anigaangasa kommunemit periarfissinneqarnerat aqutissiuunneqarnerallu unittarmat.

Qanoq iliorutta angerlarsimaffeqanngitsut periarsissaat pisinnaatitaaffiilu pitsanngorsarsinnaavagut? Qanoq iliorutta angerlarsimaffeqanngitsut ikilisarsinnaavagut? Immikkut ittunik suliniutinik salliuutsilluta angerlarsimaffeqanngitsut inuiaqatigiinnut peqataanerulernissaat qulakkeersinnaavarput? Suliniutit ilaat tassaassappat suliffeqarsinnaanermut periarfissagissaarnerutitsineq?

Imaappa pingaarnersiuinerit suliniutillu katarsorsinnaagigut angerlarsimaffeqanngitsut pisinnaatitaaffii pillugit inatsiseqalerluta?

Inuit angerlarsimaffeqanngitsutut nalunaarsorneqartut inatsisitigut illersorneqalerluuarunik, sulilernissaminnut, imminullu isumaginissaannut periarfissat ammaassivigineqassagaluarput, taamaasillutik unnuisarfinni ukiorpassuanngortuni inuulernissaat pinngitsoortinnejqarsinnaanngussapput, inuiaqatigiinnullu sunniuteqarsinnaanerat akuulernissaallu qulakkeersinnaanngorlugu, naggataatigullu sukkanerujussuarmik inuiaqatigiinnut tunniussaqarsinnaalersissavagut inatsisitigut illersorneqalerpata periarfissinneqarlutillu.

Taamaattumik paaserusuppara partiit assigiinnngitsut angerlarsimaffeqanngitsut atugarisaat aammalu pisinnaatitaaffii qanoq pitsanngorsarsinnaanerigut takorluugaqarnersut, taakkulu aaqqiissutissat katiterlugit inatsisiliuunneqarsinnaanersut takorloorneraat.